



ԱՆՁՆԱԿԱՆ ԵՎ ԿԵՆՍԱՋԱՓԱԿԱՆ ՏՎՅԱԼՆԵՐ ՄՇԱԿԵԼՈՒ ԾԱՆՈՒՑՈՒՄ և ՀԱՄԱՁԱՅՆՈՒԹՅՈՒՆ

Սույն անձնական և կենսաչափական տվյալներ մշակելու ծանուցումն ու համաձայնությունը (հետայսու՝ Ծանուցում-համաձայնություն) տրամադրվում են համաձայն «Անձնական տվյալների պաշտպանության մասին» ՀՀ օրենքի (հետայսու՝ Օրենք): Անձնական և կենսաչափական տվյալներ մշակող կամ Բանկ՝ «ԱՄԻՕ ԲԱՆԿ» ՓԲԸ, հասցե՝ ՀՀ, ք. Երևան, Նալբանդյան փողոց, թիվ 48:

Ստորագրելով սույն Ծանուցում-համաձայնությունը, Դուք հաստատում եք, որ տեղեկացված եք սույն Ծանուցման-համաձայնությանը և տալիս եք համաձայնությունն առ այն, որ Բանկը մշակի Ձեր անձնական և կենսաչափական տվյալները, այն է՝ անուն, ազգանուն, հայրանուն, սեռ, անձը հաստատող փաստաթղթի տվյալներ, սոցիալական քարտի/հանրային ծառայության համարանիշի կամ դրանք չունենալու մասին տեղեկանքի տվյալներ, քաղաքացիություն, ազգություն, ռեզիդենտության և հարկային ռեզիդենտության երկիր, գրանցման/հաշվառման հասցե, վիճակ և ամսաթիվ, հեռախոսահամար, կենսաչափական տվյալներ (դեմք, մատնահետք և այլն), կրթություն, աշխատանքի վայր, զինծառայության վերաբերյալ տեղեկություններ, քրեական պատասխանատվության/դատվածության/այլ դատական և(կամ) ՀԿԱԾ գործընթացների վերաբերյալ տեղեկատվություն և/կամ այլ տեղեկատվություն (այդ թվում ծննդյան, ամուսնության և մահվան փաստի հաստատում և ամսաթիվ), որը հնարավորություն է տալիս ուղղակի կամ անուղղակի կերպով նույնականացնել հաճախորդի ինքնությունը համաձայն Օրենքի:

Ձեր անձնական և/կամ կենսաչափական տվյալները մշակվելու են՝ Բանկի հաճախորդ դառնալու, Ձեր և Բանկի միջև պայմանագրեր կնքելու, հետագայում Բանկի կողմից մատուցվող ծառայություններից օգտվելու, Բանկի կողմից անցկացվող ակցիաների/առաջարկների/այլ ծառայությունների վերաբերյալ տեղեկատվություն ստանալու նպատակով:

Անձնական և կենսաչափական տվյալների մշակման համաձայնությունը տրվում է Օրենքի համաձայն Ձեր անձնական և/կամ կենսաչափական տվյալների հետ այնպիսի գործողություններ կատարելու համար (հավաքագրում, ամրագրում, մուտքագրում, համակարգում, պահպանում, օգտագործում և այլն), որոնք անհրաժեշտ են սույն Ծանուցման-համաձայնության մեջ նշված նպատակներին և օրենսդրությամբ Բանկի վրա դրված պարտականությունների կատարմանը համենելու համար:

Ստորագրելով Ծանուցումը-համաձայնությունը՝ Դուք թույլատրում և լիազորում եք Բանկին հարցում կատարել Ձեր աշխատանքային վայր, պետական և տեղական ինքնակառավարման մարմիններին և/կամ այլ անձանց պատկանող տեղեկատվական համակարգերին (այդ թվում՝ «Նորք» սոցիալական ծառայությունների տեխնոլոգիական և իրազեկման կենտրոն» հիմնադրամին, «Էլեկտրոնային կառավարման ենթակառուցվածքների ներդրման գրասենյակ» ՓԲԸ-ին (ԷԿԵՆԳ)), ԱԲՌԱ Քրեդիտ Ռեփորթինգ ՓԲԸ-ին, ինչպես նաև վերջիններին տրամադրել Ձեր անձնական տվյալները և ստանալ Ձեր մասին տեղեկություններ, ինչպես նաև թույլատրում եք առցանց նույնականացման ու գործարքների կատարման նպատակով Ձեր անձնական և կենսաչափական տվյալները փոխանցել «Sumsub» ընկերությունների խմբին առնչվող կազմակերպություններին, որոնք պարտավոր են իրականացնել համապատասխան տեխնիկական և կազմակերպչական միջոցառումներ՝ ապահովելու անձնական և կենսաչափական տվյալների անվտանգությունը՝ սույն Ծանուցում-համաձայնության մեջ նշված նպատակներին համենելու համար:

Ստորագրելով Ծանուցումը-համաձայնությունը՝ Դուք թույլատրում և լիազորում եք Բանկին՝ ՀՀ պետական և(կամ) տեղական ինքնակառավարման մարմիններին և(կամ) օտարերկրյա պետական լիազոր մարմիններին և/կամ վերջինիս կողմից նշված անձանց տրամադրել Ձեր վերաբերյալ բանկային գաղտնիք կազմող տեղեկությունը՝ ՀՀ օրենսդրությամբ, այդ թվում՝ ՀՀ հարկային օրենսգրքի 80.2 գլխով, «Օտարերկրյա հաշիվների հարկման մասին» ԱՄՆ օրենքով (FATCA), ինչպես նաև Տնտեսական համագործակցության և զարգացման կազմակերպության կողմից հրապարակված Միասնական հաշվետվողական ստանդարտով, միջազգային և (կամ) միջպետական այլ ակտերով սահմանված դեպքերում և կարգով:

Բանկի կողմից մշակվող անձնական և կենսաչափական տվյալներին և այն մարմիններին որոնց Բանկն ուղղում է հարցումներ և(կամ) տրամադրում տվյալներ կարող եք ավելի մանրամասն ծանոթանալ Բանկի մասնաճյուղերում կամ Բանկի պաշտոնական կայք-էջում՝ «Հաճախորդի իրավունքներ» բաժնում: Նշված մարմիններին կամ նրանց կողմից Ձեր անձնական և(կամ) կենսաչափական տվյալները տրամադրվում են Ձեր հետ կնքվող համապատասխան պայմանագրի և(կամ) համաձայնագրի և(կամ) այլ համապատասխան փաստաթղթի ուժով, դրա շրջանակներում և դրանով նախատեսված նպատակների իրագործման համար:

Անձնական և կենսաչափական տվյալների մշակման համաձայնությունը համարվում է Ձեր կողմից տրված, և Բանկը ստանում է Ձեր անձնական և կենսաչափական տվյալները մշակելու իրավունք՝ Բանկում հաճախորդ գրանցվելու համար Բանկ դիմելու պահին, երբ Ձեր կողմից Բանկին տրամադրվել է Ձեր անձը հաստատող փաստաթուղթը, ինչպես նաև Ձեր և Բանկի միջև կնքված պայմանագրերի գործողության ընթացքում այդ պայմանագրերով սահմանված գործողությունների կատարման նպատակով, ինչպես նաև «Բանկային գաղտնիքի մասին» ՀՀ օրենքի համաձայն Բանկի հետ համագործակցող/Բանկին ծառայություններ մատուցող/Բանկի համար աշխատանքներ կատարող կազմակերպություններին տրամադրելու նպատակով՝ պայմանով, որ դա անհրաժեշտ է տվյալ ծառայությունները մատուցելու կամ աշխատանքները կատարելու համար և/կամ բոլոր այն դեպքերում, երբ այդ տվյալների մշակման պահանջն ուղղակիորեն սահմանված է օրենքով:

Սույն Ծանուցում-համաձայնությունը համարվում է տրված նաև վերոնշյալ տվյալների աղբյուր հանդիսացող հիշատակված մարմինները վերանվանվելու, վերակազմակերպվելու կամ այլ մարմիններով/աղբյուրներով փոխարինվելու դեպքում, եթե սույն Ծանուցման-համաձայնության հիման վրա ստացման ենթակա կամ տրամադրվող տեղեկատվության ծավալը մնում է նույնը:

Ձեր կողմից Ձեր անձնական և կենսաչափական տվյալների մշակման մասին համաձայնության գրավոր հետ կանչման, կամ անձնական և/կամ կենսաչափական տվյալների ուղղում կամ ոչնչացում (եթե անձնական և/կամ կենսաչափական տվյալներն ամբողջական կամ ճշգրիտ չեն կամ հնացած են կամ ձեռք են բերվել անօրինական ճանապարհով կամ անհրաժեշտ չեն մշակելու նպատակներին հասնելու համար) կատարելու պահանջ ներկայացնելու դեպքում: Բանկը պարտավորվում է դադարեցնել Ձեր անձնական և/կամ կենսաչափական տվյալների մշակման գործողությունները կամ ուղղել կամ ոչնչացնել Ձեր անձնական և/կամ կենսաչափական տվյալները տասն աշխատանքային օրվա ընթացքում, եթե Ձեր և Բանկի միջև առկա չեն չկատարված պարտավորություններ և բացակայում են գործող պայմանագրային հարաբերություններ, այլապես Ձեր և Բանկի միջև պայմանագրային հարաբերությունները ենթակա են դադարեցման՝ դրանից բխող բոլոր բացասական հետևանքներով: Ձեր անձնական և կենսաչափական տվյալների մշակման մասին համաձայնության հետ կանչման կամ Ձեր անձնական և/կամ կենսաչափական տվյալների ոչնչացում պահանջելու դեպքում Ձեր անձնական և/կամ կենսաչափական տվյալները դադարում են մշակվել Բանկի կողմից, սակայն դրանք պահպանվում են տեղեկատվական արխիվում և կարող են օգտագործվել միայն օրենսդրությամբ նախատեսված դեպքերում: Համաձայնության հետ կանչը հետադարձ ուժ չունի:

Անձնական և կենսաչափական տվյալների մշակման համաձայնությունը տրվում է Բանկում հաճախորդ գրանցվելու համար՝ դիմելու պահին, և շարունակում է գործել Ձեր և Բանկի միջև կնքված պայմանագրերի գործողության ողջ ժամանակահատվածի համար, իսկ օրենսդրությամբ սահմանված դեպքերում՝ այդ դեպքերի համար սահմանված ժամանակահատվածի համար: Սույն համաձայնությունը համարվում է տրված նաև վերոնշյալ տվյալների աղբյուր հանդիսացող վերոնշյալ մարմինները վերանվանվելու, վերակազմակերպվելու կամ այլ մարմիններով/աղբյուրներով փոխարինվելու դեպքում, եթե սույն համաձայնության հիման վրա ստացման ենթակա կամ տրամադրվող տեղեկատվության ծավալը մնում է նույնը: